

BENEDICTI SKTTTE
LIBERI BARONIS SVECI
IN EXCESSUM
GUSTAVI MAGNI
ORATIO
DISERTISSIMA.

inquā
non solum

*Divini & incomparabilis hujus Herois
Augustissimus Regius ortus;*

sed ejus quoque

Plusquàm regia facinora & immortales
Victoriæ ac triumpho,

totiq; Christiano orbi deslenda orbatio;

mirâ facundiâ ac singulari judicij acrimoniâ re-
presentantur.

edita

à

Viro Clarissimo

MARCO ZVERIO BOXHORNIO, P.P.

37(0)25

Lugduni-Batavorum typis Elsevierianis:


ANNO M. DC. XXXV.



REVISED EDITION
1911

ORATIO CEREMONIALIS

THE
SACRED
DUTY
OF
THE
CITIZEN
TO
THE
COUNTRY
AND
TO
HIS
FELLOW
CITIZENS
IN
THE
CITY
OF
NEW
YORK
BY
JAMES
M. SMITH
NEW YORK
1911



Illustri & Generoso Domino,
D. JACOBO SKYTTE, L.
 Baroni in Duderhoff, Domino in Strom-
 frum, Equiti Aurato, &c.



Edit ad te, Illustris Domine, generosi fratris tui
 Benedicti disertissima Oratio, quam nunc du-
 dum in obitum cœlestissimi Regis vestri cōscri-
 ptam, cum recens adhuc esset tantum vulnus,
 tandem, quia dignissima mihi videbatur, aucto-
 re peregrinationibus in Italia, Gallia, Helvetia,
 alijsque Christiani orbis oris discento, excuden-
 dam à te impetravi. Et certe nemo mirari debet, fatale illud
 Gustavi Magni nomen totiens publico donari. Enimvero nul-
 lus unquam principum fuit, qui & superstes & jam fato fundus
 plurium animos veneratione sui implevit, plura ingenia ad
 prodendam virtutum suarum memoriam occulto quodam in-
 stinctu provocavit. Taceri non debet, qui gessit inscribenda albo
 æternitatis. Vivit vivetque illustrium scriptorum monumentis, qui
 deposita viri, non deposuit famam sed intendit, qui dum super-
 esset supra omnes exstabat, dum ereptus est rebus humanis, qua-
 rum secutitati cum destinaverant fata, seipso non tam gloria ex-
 cessus, in quo victor fuit, quam desiderio sui, cum non esset diu-
 rtus, factus est major. Sicut difficillimum opus sit, cui quivis
 merito se impendit. Difficillimum enim qualis quantusque fuit
 illum repræsentare, qui ipse magnitudinem suam non satis ce-
 pit, non quia non habebat, sed quia habebat plusquam humanam,
 non in paucis sed nemine, non raro sed nunquam alias specta-
 ram. De qua cuivis serio cogitanti fieri non potest quin obrep-
 pat deliquium animi, dum ad præturam adrendit, quam in acerba
 ejus morte orbis Christianus fecit, deliquium sermonis, dum ad
 mira-

miracula illa & prodigia virtutum assurgere non potest. Hæc ta-
men omnes loquuntur, quia stupore rerum omnes deprehensi.
Et nemo satis laudatum illum credit, qui utur maxime, nunquam
satis laudatur. Idem ardor fratrem tuum quoque cepit, qui ex-
citati ingenii, & robustæ eloquentiæ supra ætatem istam potens,
quantum ipse, quantum Suecia omnis, quantum totus terrarum
orbis maximo Regum Gustavo deberet, voluit probare. Et certe
probavit, conscripta in excessum ejus ea orationes, qua divinis e-
jus virtutibus & jam receptis cælo manibus omnino est satisfac-
tum, si aliqua humani sermonis majestate iis satisfieri posse
concedamus. Cujus rei unicuique serio evolventi facilis fides
erit. De me possum restari. Inter legendum non meus eram, sed
scribentis, non desiderabam extinctum Regem, sed videbam,
Armatas ferro victrices ejus manus, cædes aut fugam hostium,
quasi præsens intruebar. Quot enim paginæ, tot posita cælestium
virtutum in omnem rerum æternitatem monumenta. Singulis pe-
riodis triumphum vester ille Augustus hic agit, quemadmodum
talem, dum superesset, quævis hora vidit. Et hoc nomine excel-
lentissimo Parenti tuo Johanni Skytte potissimum gratulamur.
Est is verus jam Regni Senator, & dum hæc scribimus, ad serenissi-
mum Magnæ Britannię Regem, & Fœderari Belgij Ordines
splendidissimus Legatus. Qui etiam infinitis doctrinæ & inge-
nij præfidiis in tanta fortuna instructus, cum Regis sui cadaver
violenta luctu Suecia efferret, eam orationem funebrem habuit,
qua non commoti, sed extra se rapti omnium animi fuere. Quæ
nec dum in vulgus edita publico non debebar invideri. Sic tibi
ac fratri tuo exemplum dedit, & jam in utroque accepit, atque abso-
lutam maximarum virtutum suarum imaginem contempletur.
Vale, illustris Domine, & me, ut cœpisti, amare perge. Lugd-
Bat. clō Io c XXXV. Kal. Maij.

Illustri tuo nomini

dicatissimus

MARCUS ZVERIUS BOXHORNII.

EPI.




EPITAPHIUM
MAGNI REGIS ORBIS AR-
CTOI GUSTAVI ADOLPHI.

R *Ex Aquilonis Magnus eram Gustavus Adolphus;
Baltica qui justis circumdans flumina sceptris,
Religione pia fervens fera Caesaris arma
Diripui; innocuas gentes tutebar & urbes,
Nunc patriam repero valedicens morte triumphis,
Quos celebrant Sveones ac libertatis amore
Ardens Germanus, reliquis miratur & orbis.*

Aliud

REGIS INTER MORTALES MAXIMI ET IN-
COMPARABILIS


*Hic Rex Heroum sisus est, cui prisca tulerunt;
Aue nova, Marce, animo, secula nulla parem.
Arctos testis erit, benè gesta Europa loquetur,
Implebis geminos splendida Fama polos.*



In
Ejusdem Regis
Luctuosissimum & ominosissimum
obitum

Siccinè nos miseros, Rex inclyte, deseris. armis
exutus, patriam, quæ super astra petens.
Noster eras Moses redivivus, Josua, David,
Et Maccabæius, Juda, Cyrusq; pius.
VICTOR Victus obis, Rex Papæ terror & orbis
Unica Teutonici spes decus atq; salus.
Victus Victor eris, mundi dum secla meabunt,
Et similem parient tempora nulla tui.

D. Michael Waltherus.



Aliud Anonymi.

Pro Christo vel cum Christo qui pugnat in hostem
Si cadit, & multo vulnere conficitur,
Fert tamen ut victor forti è certamine palmam,
Salvaq; que meruit præmia semper habet,
Cum fugiente etenim fugit & Victoriæ, verum
Si pugnans moritur, cum moriente manet.

Aliud

Rex orans, pugnans, vincens, moriensq; triumphat.

Aliud

Aliud

*Augustum Cæli Donum, GUSTAVUS ADULPHUS,
Romani splendor, regia stella, Globi.
Stans Aquilam cædis, pugnans vincitq; triumphans,
Mortuus ut victor vivat in orbe LEO.*

GUSTAVUS ADOLPHUS SVECORUM,
GOTTHORUM WANDALORUMQVE
REX ET PRINCEPS HÆREDITA-
RIVS. ETC.

Anagramma.

AH AUDIT AUGUSTUS NOVUS ET PV-
RVS REX, GERMANORVM REDEM-
PTOR AC PORTVS, ALTIQVE COE-
LI DECVS.


Epitaphium

QUI transis subsiste parum, subsiste viator,
Magnificus cumulus quem regis iste, scies.
GUSTAVUS jacet hic, quo non animosior alter,
Hic LEO, qui Boreæ natus in axe, jacet.
Terror erat vivens infesto maximus hosti,
Hosti mors moriens terror & horror erat.
Occubuit victor pugnans hostemq; fugavit,
Victor ovatq; solo, victor ovatq; polo.
Hinc novus & purus Rex hinc Augustus & audit,
Cui par nullus erat, cui quoq; nullus erit.
Nobis portus erat, nobis erat ille redemptor,
A nobis durum sustulit ille jugum.

Jam

*Jam decus est cæli, stellata aurataq, Tempe
Incolit, in nido lucida stella polo.*


Nicolaus Scribonius.



*In Coronam auream defuncti Regis beatissimi capiti
imponendam.*

Libertas & Religio, victricibus armis
Adfertæ & fidi sanguinis effluvio.
Hanc Tibi, Rex Regum, donant, GUSTAVE,
Coronam :
Cœlestem fidei Jova dat ipse tuæ.


Joannes Meibomius, Ph. & Med. D.



in Tumulum.

GUSTAVI heic Tumulum SVECORUM REGIS ADOLPHI,
Quem verè æternum vitæq, morsq, facit.


Albertus Nordanus, J.C.



*Ad confederatos Cæsareos, Evangelij & Li-
bertatis Germanicæ Hostes.*

Quid capite Imperij, magno quis Cæsare major?
Qui vicit. Victor Rex Aquilonis erat.
Discite punctitulis & vi mansuetius uti :
Aut Capitolas trux Leo sterner aves.

Christophorus Basileus Beccerus, P. L. C.



BENEDICTI SKYTTE

ORATIO

In excessum

GUSTAVI MAGNI.



Immensa hæc universi machina calamitatis suæ sensum haberet, & quantum in Gustavo Magno amiserit, æstimare posset, haud dubiè maria, amnes, stagna, & quicquid usquam aquarum complectitur, in lachrymas converteret; & indomiti ac resonantes fluctus, corpore immobili, vastoque silentio, suū luctum testarentur: ut quemadmodum

justitio Principum excipi fata solent, ita, intermissis naturæ munis, intelligeret Oriens atq; Occidens, in Gustavo clarissimum orbis hydus, solem Septentrionis occidisse. Grande profectò instabilitatis suæ documentum res humana dederunt, unius nece ita converse, ac si ab uno pependissent. Vix ex communi incendio, quod vastitatem & solitudinem mundo insulerat, fessa innumeris malis Europa respirare, vix miseriarum gemituumque suorum, præsentis fortunæ aspectu, oblivisci cœperat, quum unus dies, idem felicitatis summus, omnium votis designatus, novo & repentino casu veterum malorum memoriam

A

& m.

& metum redintegravit; & Gustavi facio, velut deliquio solis (heu!
 nunquam redituri) dense caliginis nubem urbibus, populis, ac regi
 onibus superfudit. Non reges consors nuper tanti honoris
 anima, non Ecclesiam Dei memoria defensoris, non oppressam
 Germaniam vindicis fatum, non denique exercitum imperatoris
 omnium, quos omnes aetates tulerunt, maximi manes conquie-
 scere patiuntur, quin maesti omnes, & dejecti desistant eum, quem,
 aliena fata sistere potentem, sui securum esse debuisse existi-
 mant. Quid subditos dicam? qui tot bellorum superstites, &
 vix tandem, post multa discrimina, ex infestis undiq; gentium
 violentiâ eluctati, in ipsis assurgenti fortune exordiis unicum
 rerum suarum munimentum, spem unicam amiserunt. In-
 felix Suecia, cui sydus, quod ad reliquarum nationum pudorem
 potissime produxeras, in medio vigore ereptum est. Crediderim
 equidem, si tota è sedibus tuis attolli, & comitari posses augustos
 Gustavi manes, lachrymis ipsa caelorum penetralia perrumperes,
 aut ferali urna, qua ingentis illius anima domicilium tenet, totam
 te includi patereris. Soli sanè tibi lugendi privilegium tua facit
 calamitas; cuius quia magnitudini succumbere, & improvise ma-
 lo consternata, silere tibi videris, ego, quanquam nec dolore,
 nec charitate Gustavi cuiquam secundus, ultimas pro te voces
 suscipere decorum mihi existimavi. Non ut exquisitis querimoniis
 tui miseratione ceteros implem, sed, quod unum pietatis officium
 reor, relinquerem imaginem ejus, quem, virtutum omnium copen-
 dum, ut exemplum venturis seculis tradi æquissimum iudico. Ne
 lius Gustavum laudabunt alii, quorū ut posterior in cristiani locus,
 ita expeditior animus erit, ad conquirenda elogia, cujusmodi virtu-
 tibus, humanū ferè modū supergressis, debentur. Ego id solum roga-
 rim, ne mihi pietas mea obreclationi sit. Quā facilius excusabunt,
 qui etiam supremæ divinitatis cultum, quò simplicius, eo & majori
 cum laude, peragi sciunt. Neq; enim præter devotā Gustavo mentē

quicquā afferō: & ut ante pedib. magni regis substernere vitā meā paratus erā, nunc defuncto vocem confecto: in qua si quis tenuitatem reprehendendā putat, longe profecto à meā recedit opinione, qui unum id miror, non includi ineffabili luctu sermonem, & stupere linguam addicenda, quorum reputatione victus animus nec constantiam retinet, nec ullum, nisi in lachrymis, præsidium habet. Scilicet evenit mihi, quod de Lydorum regis filio antiquitas prodidit, cui negatū ante sermonē à pietate in patrem, exordium habere voluit natura. Sic & ego, hactenus nullā egregia voce aut publicē notus, aut patria mea utilis, impatentia doloris, ac pietate in communem parentem, adigor silentium rumpere. Utinam modo & me qui illum fructus maneret, vel, si ignavi es, sine impendio suo alterius redimere vitam velle, utinam nostro piare facto licuisset, quicquid in Gustavum mortalitas juris habuit; non ego superstes domino meo fruerer luce, quam illi debeo; non mihi conscius essem tantorum debitorum, quæ sola exsolvere vita possum. Desunt verba reb. immensis. Quociens augustam illam oris majestatem, ad cuius iussa tremere solebam; quociens invictum illum animum, qui totum orbem complexus erat; quociens deniq; gesta, quæ maiora Europa non vidit, reputo, intrat animum horror & religio, alio ore, alia facundia dicendum regum maximum fuisse. Rursum mirabilis illa clemētia & comitas, quæ toriens tenuitati meæ deosculandas, domitricis septentrionis manus, toriens dicenti mihi benignas aures præbuit, addunt fiduciam, adeo ut, si quis defunctorū manib. sensus es, expostulatuos à me supremum hoc officium credam.

Igitur Gustavum Magnum annus post mille quingentos quatuor & nonagesimus, nona Decembr. dies orbi dedit, & cum Gustavo tot annalibus materiem, ut verear ne posteritas, quæ apud alias gentes scriptorum ambitione celebrantur, virtutes in Suecia nasci, & negligi existimatura sit. Patriam & genus in obscuris laudemus; parentem Carolū, æternæ recordationis, præterire religio est:

est: illum libertatis nostra alterum condicorem, cujus fortitudinem, nunquam sine indignatione, cogitavit Sigismundus, Suecia, Moschovia, Esthonia exutus, denique & captus ipse, & mirabili clementia exemplo mox dimissus. Hinc illum ventura secula aestiment, nos diligamus, quia, quo majus nihil poterat, Gustavum Suecia dedit. Sit quoque nostris privatim hic debitis locus, non ambitio me, sed pietas meminisse jubet, prima eum aetate moderatorem accepisse Joannem Skytte, parentem charissimum, quem pluribus laudari nec Gustavi patitur magnitudo, nec nostra verecundia. Dixisse sufficiat, curam ex debito eum impendisse, quamvis postea meritum id vocare regum maximus solitus, & illis etiam annis, quibus docere omnes poterat, consilia ejus exquirere, & amplecti dignatus sit. Hoc rectore adolescentiam exegit, non per otium aut luxum, inter innumeras supremæ fortuna illecebras, sed augustis semper curis distentus, ut eum, qui puer adhuc sollicitudine patriæ parens erat, proVectiorem oppressi orbis vindicem satis monstrari quisque intelligeret. Constat certè, nondum exacta pueritia, quum à curis ipsa ætas excusari mereretur, sepe cogit abundantum, semet tristiores, imo lachrymantem visum, & percunctantibus, quæ illum tam præproperæ sollicitudines fatigarent, respondisse: Quotiens Sueonum res, quotiens impendentia undiq; bella, & mortalitatem parentis cogitaret, occupari sibi maiore animum, quod in spem tantæ molis educaretur. O admirandam indolem! Lachrymas Gustavus fudit, quia necessario habiturus erat id, pro quo nemo fere mortalium sanguinem profundere, ipsamq; adeo vitam in casum dare abnuir, nisi qui ignaviam egregiis laboribus, segne & obscurum otium præclaræ fame antebabuere: à quibus longissimè absuit Gustavus. Non libet hic memorare aut curam equorum, aut venacum, aut si qua id genus alia principibus sepe magis assuesudine, quam industria sua exercensur,

centur, & ex quibus magis fortunam eorum, quam animum aesti-
mes. Fuerunt cuncta illa in Gustavo, fuit & bellicarum artium,
castra ponendi, ducendi exercitus, munitiones facienda studium
inexhaustum; scientia summa, sed ita, ut occupationum hanc
tantum alteram partem quivis agnosceret. Lustravit etiam,
que nunc reges infra maiestatem suam putant, literas & quæta
studia. Singula memorare haud vacat: nam, nec omnium pene,
quas Europa habet, linguarum peritiam, nec facundiam, quæ
universos in admirationem rapuit, neque historiarum incredibi-
lem scientiam satis prædicare queam in eo, qui, quicquid olim e-
regie à magnis ducibus gestum est, æquavit, quicquid in præ-
stantium imperatorum gestis desiderari videbatur, ita supplevit,
ut solus nunc omnium nationum fatigare scriptores queat. Inse-
rat quoque se orationi ingens Seneca, vir supra tenebras gentium:
quem ita magnus rex memoriâ tenebat, ut non lectorem eum, sed
scriptorem divinarum operum fuisse iudicaturus fuisset. Me-
mini, in medijs Germania bellis, inter tantos trepidantis Euro-
pæ curas, quarum potissima illi incumbabant, quotiens fessum ani-
mum paululum reficere licuisset, sæpe me ex augusto ore graves illas
sententias audisse, quas sic sibi applicabat, ac si non alteri scriptæ
essent. Quippe semper fortune summa stimulos retundendos ra-
tus, id modo laborabat, ut quemadmodum fastigii, ita modestiæ
summus foret. Fecitque idem, ut, quod nec orbis domitores con-
secuti sunt, vinceret semetipsum, & naturam suam. Jam si ad
incunabula imperii ejus proferendus gradus, dictu incredibile est,
quam fuerint illa molestiæ, ac laborum plena: prementibus Sueci-
am, Danis, Polonis, Moschis. Illos semper gravis nobis hostes con-
terminas, ac Oceanum Germaniamque interjecta dirio, & maxime
proditorum perfidia fecerat: adeo ut castellorum, quæ fines clau-
dunt, solum Fennekopensæ nostri, Calmariæ & Elsburgum hostes

renerent, non fortitudine sua, sed malis custodum artibus. Itaque
 cruentum haud dubie bellum expectabatur, si recipere claustra im-
 perii, & securitati reddi vellemus. Gustavus, qui nihil in bello,
 præter exitum, amabat, effecit ut anni spatio & hostilia ponerentur,
 & citra sanguinem haberent. Sueci loca, unde securitas eorum
 pendebat. Emerant hostes propugnacula dirionis nostræ, iidem
 & vendiderunt. Adeo ipsa exordia, quæ regum alij, ambizioso
 nomine, insignia semper voluerunt modestia suæ, quam fortitudi-
 nis, argumenta esse maluit Gustavus. Nimirum decuit inter
 ziculos ejus primum conspici custodis vocabulum, quos postea vin-
 dicis nomen clauderet. Sed quia familiaria bellis violenta sunt
 remedia, & ex illis fortitudo cujusque æstimantur, etiam Gusta-
 vum Magnum, jam aliis incumbentem, necesse fuit arma & terro-
 rem ostentare iis, qui diffidentia virium pacem incruentam malu-
 isse eum judicabant. Ter adventu suo, (nescio an ita loqui liceat
 de eo, qui celeritate non famam modò, sed & suspensiones omnium
 prævenit) ter, inquam, hostes arma parantes repressit, adjutore
 usus Axelio Oxenstiernâ, quem virum ad æternum gentis sue de-
 cus & sublevandos Gustavi labores Suecia prodidit; nunc quoque
 inter tanta mala felix, quod magni Regis morte concussas res per
 eum prospere resurgere videat. Compositis ibi rebus Gustavum
 patria hereditas (ita vocare bella libet, quæ illi cum hereditate
 simul transmissa erant) ad Moschorum arma traherat. Populus
 ille Occidentis & Orientis conterminus, & prudentiam artesque
 utriusque, quæ ibi concurrere videntur, complexus, vastissimos
 Europæ, & inaccessos prope tractus habitat, ut satis ipsius nature
 iniquitate adve-
 nientem hostes tutus videatur; idem inter dira fri-
 gora genitus, laborum, inedia, omnium malorum tolerans, liber-
 tatis ignarissimus, eoque acrius, ad nutum unius, in hostem & exi-
 tium ruens; demique & cum Suecorum gente, solus Europæorum,
 qui,

qui, in communi orbis servicio, Romana non vidit arma, nedum
 imperia accepit. ut dubitandum non sit, & illos, qui Romanorum
 nunquam jugum experti erant, & nos, qui eosdem domueramus,
 mutuâ societate dignissimos fuisse. Quæ ut ætius coalesceret,
 dissidio opus fuisse videtur, perinde ut nunquam lætior dies esset,
 quàm ubi crisses nebulæ solis radij dispulere. Perinde ut illustrem
 sole diem, prægressæ nebula magis commendant. Quamvis quid
 hîc memorari, quidve omitti debeat, ipse ignorem. Tuam certè,
 fortissime Jacobe de la Gardie, virtutem, qui primus in hoc bello
 Coroli Regis terrorem derivare ad nomen Gustavi cœpisti, præte-
 rire nefas arbitror, cui maximi hodie militiæ ducis nomen peperer-
 unt, tot prælia prosperè commissa, victæ acies, capte urbes, sub-
 actæ provincie, aliorum regni pares, denique ipsum caput gentis
 Moschua, cum imperatore Suskio Polonorum manibus erepta.
 Quæ, licet haud persuntoriè memoranda, quomodo satis pro digni-
 tate celebrari, qui in Gustavi ipsius triumphis plurima omittere
 cogor? Ego sanè, ut Jamam, Coporiam, Narvam, Ivanogorodæ,
 Moteburgû, Rexholmiam, jam & Ingriam, & Careliâ, provincias
 ingentes, imperio adjectas omittâ, illud unû inter decora Gustavi
 memorare debeo, quod ab extremis temporum memoriis primus
 ille occurrat, cui ditiones prius recensitas, deposito in æternum
 jure, Moschi reliquere. Ille, ille gentem potentissimam, quæ an-
 tè Tarzarorum formidata agmina, & ab ipsis Caucasî nivibus ac-
 cersitos exercitus superfundere Sueciæ, unoque eam impetu exitio
 involvere meditabatur, quam non interjectum mare, non solitudi-
 nes, non sylvæ satis arcebant, quò minùs intima Finncorum popu-
 lando penetraret, adèò sibi devincire potuit, ut sive nunc recedat
 lacus, cursum vertere Oceanus jubeatur, sylvæ sternantur, nun-
 quam hostilia ab eâ metuamus, quam jam experti sumus sociarum
 fidissimam. Satis approbato quantò quies bello potior esset, po-
 tuissis

zuiſſet Guſtavus pacem cū Poloniſ habere, niſi & illi majorem glo-
 riam fata, & hiſ, dubia cum parente Carolo arma ſpem proſpero-
 rum paraſſent. Primum Livonia bello & victoriſ campum
 aperuit, præ aliſ Septentrionis provinciſ clara, & rebus ac robore
 ingentiſ, quippe quæ ſine auxiliſ externiſ, ſine ope cujuſquam, invi-
 dioſaſ orbi Moſchorum vires per annos prope centum & ſpernere
 auſa eſt, & atterere potuit. Ipſo in limine belli maximaſ diffi-
 cultateſ, ſecutaſ inde victoriſ commendavere: dum vaſta
 Baltici maris ſpatia, horrentia ſaxiſ, & importuſa litora, no-
 ſtros ab hoſte, quanto magiſ à victoriâ, dirimune. Adeo ut ſaciſ
 munimentu Poloniſ in eo futurum fuerit, ni ipſum pelagus, reti-
 nentſ obſequiſ, quod ab extremiſ temporum memoriſ Suecorum
 regibuſ debet, naturæ violentiam domino ſuo ſubjeſſet. Decieſ
 juſtiſ exercitibuſ Guſtavuſ adverſa in litora tranſgreſſuſ ſimul
 ac terra pedem impoſuerat, obviaſ victoriſ habuit. A Riga
 cetera ſerè cuncta pendeant. Quam urbem caput & clauſtrum
 diſioniſ ſuæ, ſitu, opere, validam, terribiliſ ille Bathoreuſ, cum o-
 mniſ Livonia reverentiam ejus induiſſet, ad obſequium diu fru-
 ſtra vocatam, vi tamen aggredi auſuſ non erat. Quo apertiſ
 Polonorum ludibria fuere, Bathorei firmatuſ imperiuſ & pre-
 veſtam ætatem, cum Guſtavi juvenea & recenti principatu con-
 tendentiuſ. Conſtat cum auxiliſ urbi Radziviliuſ Sarmaticuſ
 exercituſ adduceret, auditaſ in itinere palam ferociſſimi cujuſq;
 contumelioſaſ voceſ, & voſa, ne ad ſamam ſui juveniſ Suderman-
 niæ Dux (idenim nomen primo Polonica ei modetiâ dabat) di-
 laberetur: Adeo pleniſ fiducia, velut fruenda victoriæ, acceſſet,
 ne prælio quidem opuſ fore rati. Nec bercule opuſ fuiſ, vix in
 conſpectuſ Suecorum venienteſ ſadam fugam fecere, & quo quib;
 ferociſ præliuſ capeſſerat, eò pedum celeritate reliquiſ præſtitit.
 Non erat prætiuſ Guſtavo perſequi, quos ſaciſ metuſ ſuiſ urge-
 bat.

bat. sola Gotthorum arma eminuit, ostentare satis habuit, quorum splendorem Poloni tolerare nesciunt, terga omnes obverterunt. Victoria premium haud dubie Riga debebatur, cujus deditione ultus est Gustavus cladem parenti Carolo eodem die, ante annos XXX, ad Rexholmiam illatam. Quis crederet tantis argumentis comprobata Gustavi Magni fortitudine, nondum Polonos destituros bello, quo nihil sibi prosperum promittere poterant. Atqui multo magis pudor suus Sarmatiam stimulavit, utque patentia camporum, & aperio Marce in viam se tumide semper jactarat, nunc omnes praelij vias, & dextra elatis vocibus fidem assequere quareret. Vicisse jam eos crederes, nisi pugnassent. Valbovienses campi testes esse debuerunt illustris victoriae, quae trophaea Gustavi suorum sanguini, cadaveribus, & armis superstructa non sine dolore & lacrymis vidit Sarmatia. Vidit illa dies Gustavum ducem, militem, victorem; vidit fessas cadendo Suecorum Finno-que legiones, quorum his in exhaustus hostes sternendi ardor novum Haccapelorum peperit vocabulum; vocabulum, ad cuius auditum semper exinde Polonia conterrita, quodq; postea Austriaci & sacri (si dñs placet) foederis defensores raro sine horrore sapè cum fine vita acceperunt. Recenserem nunc innumera adversum Polonos praelia, id est victorias; recenserem tua, maxime Carole Gyldenbielm, gesta, qui fide nullis ferè seculis audità, duodecim annos custodiè inclusus, catenis & vincula pro magno rege, pro republica perpassus es; recenserem valdidissima Livonia ac Lithuania loca obsessa, (cum obsessa dico, prohibet fortuna & fortitudo Gustavi exitum querere) nisi me idem impetus ad secuta raperet, qui illum victoris suis frui nunquam passus est. Retinet me adhuc Valboviensis triumphus, & jam posita de Borussia trophaea segnem orationem vocant, quibus defendendi universas Sarmatiae vires excierat Sigismundus. Jam

Bronsbergum, Elbinga, Mariaburgum caput magno regi submitterant, quem Meva, Sarmatarū vexata exercitibus, retraxit. Aderat Sigismundus ipse, quanto celebrior gestis contra Maximilianum, Turcas, Moschos, Tartaros, tanto major materies ad augenda decora Sueonum. Nimirum illud unum supererat, ut quos è castris, quos parentibus in campis superarat Gustavus, eosdem nunc suis in castris vinceret. Quantus ille, quam laetus nostris affulsit dies, quo structum suis manibus vallum trophaea Gustavi gestare, & pulsum Sigismundum Sarmatici exercitus prospexere & comitari sunt. Quid singula persequar? tanta victoriarum Gustavi multitudo est, ut si unicuique suus sacrandus sit dies, nullum in anno profanum simus habituri. Quippe si quas aut pugnas, aut urbes vicit tradere vellem, metuendum magis mihi esset ne à memoria mea prius, quàm illarum copia, destitueret. Sigismundi dedecus mox Ferdinandi infamiam traxit, qui tot innoxiorum oppressor aut eversor, cum ne Germania quidem spatiis coercere ambitionem suam posset, debuit quoq; (sentiente ludibrium Sarmatia) mittere in septentrionem aquilas, quas inter triumphorum instrumenta mox Gustavus haberet. Scilicet ne quid in Gustavum deinceps ceteri auderent, nomen quoque Europa veneratur eminentissimum fastis ejus inferendum erat, quo relicta domi securitate Sol hic, quem toti mundo produxerat natura, exera septentrionem semet effunderet. Jamq; attraherantur radiis ejus oppressæ Germaniæ lachrymæ, & superiorum gemituumq; nubes, totam Europam obumbrantes, non aliud sydus, à quo dispellerentur, exspectabant. Serepebant exiliis terra, mariaque, vagabantur passim principes ex torres ditioribus suis, & quos nuper florentes Europa viderat, nihil præter calamitatis humanae, & eruculentæ Austriacæ spectacula erant. Ipsa Germania incensis urbibus, exustis pagis, vastatis agrorum

immissis

immensis tractibus, exhausta, inculta, sterili, solitudine & vasti-
 tate sua poscebat tacite vindictam, poscebat auxilia adversum
 terrarum corruptiores, adversus perniciem orbis, & humani divi-
 nique juris ruptores. Quis crederet repercum unum principem,
 qui oppressi & lamentantis orbis vices dolere palam, ne dum de
 auxiliis cogitare auderet. Quis crederet repercum, qui satis
 praesidij in afflictorum lacrymis & lamentis poneret adversus
 immanitatem Ferdinandi, violentiam Hispanorum, & quoscun-
 que alios dominiatrix Austriaca domus libertatis exitio edidit.
 Non mortalis hic constantia, sed Deus, Deus requirebatur ut
 causam suam susciperet. Illum solum & voca, & preces, &
 plantis omnium vindicem opperiebantur. Ille solus numine,
 quo terram celumq; librat, Gustavi animum implevit fiducia, ut
 arma hactenus pro salute suorum usurpata verteret ad tutelam
 jam trabentis animam Germania. Cogitantem subit veneratio
 augustae illius majestatis, quum in Senatu de mole & ratione tanti
 belli tractaret, ceteris periculis & potentiam hostis fusius differen-
 tibus, magnum regem tandem didicisse, gnaram sibi Ferdinandi
 & conjuratae Europae potentiam, gnara belli discrimina. Sed
 nulla sibi tempora, ne nocturna quidem, placide adeo transire,
 quin semper in animo, in oculis versaretur oppressae Germaniae
 imago: videre se cades, & incendia, & excidium ejus; audire cele-
 stes voces, Germaniae liberationem commendantes; audirehorta-
 menta plusquam humana, cur incubantem alienis, & injuste par-
 tis imperii tyrannum aggredi metueret: qualemcunque hostem
 potentem ei, qui conscientia malorum & iniqua causa pudore
 urgeretur, satis virum illi, pro quo tot exulum, viduarum, pupilla-
 rum lacrymis, & excisa lacrymis caeli legiones militarent. Hoc
 classico, hac tuba ad bellum Gustavi actus est. Iniquus fuerit,

qui Divinam voluntatem pro se habenti humanas quoque, & iustas armorum causas, defuisse existimet. Abrupta gentium jura, negatus commerciorum usus, interceptæ, & afflictiis criminibus evulgata literæ, Balbici maris titulus ambitiose ceu proprius usurpatus, exercitus in nostram perniciem missi, legati non tantum rejecti, sed & contumeliose Germania excedere jussi. Hostne dubitare potuimus hostes esse, qui dies pauciores legatis ad effugiendum exitium concessere? Tanta Gustavi bonitas erat, ut quamvis laesus, spretusq; conqueri de injuriis nialuerit, eas publice quieti remittendo, & pacem prior postulare. Quæ ubi cuncta in ludibrium vertere, quid aliud quam bellum supererat? Liber exclamare, improbissimas eorum spes esse, qui insperata affecuti sunt. Non norat Gustavum, ignorabat Gothos Vandalosque Ferdinandus, & qui Germaniam subegerat, Italos afflixerat, Belgas invaserat, in Gallos armorum semina pararat, orbemq; totum aut spe aut cladibus exhausterat, non credidit in Septentrione nasci posse, quem formidaret. Nesciebat Ferdinandus, nesciebat quanto lentius injurias ulciscitur Deus, tanto eum perseverantius sua judicia exercere. Non debuit carere tanti operis exordium omine suo: centesimum post annum, idem qui Evangelicam confessionem Cesari exhibuerat dies, vidit Gustavum ingredientem iter ad instaurandam religionem. Prima Usedom & Vollandum insule approbarunt pietatem incipientium armorum, mox haud obscuro miraculo Deus. Circumfusus insulis mare incitabant adverse tempestates, cum magnus rex, & minor solo, cui se prosternebat, supplex & ardentibus votis alienum jam Austriacis Deum veneratus esset, ut secundaret prosperantes ad bella sua classes. Vix clauserat preces, quum subito in contrarium versi venti, & facile pelagus, Stetinum omnem exercitum breviori spatio subvexere, quam adhuc à quoquam factum memoria

memoria proditum erat, aut ipsa amnis natura patiebatur. Vix acta rei fidem haberemus, nisi & illa prope adhuc in oculis & cognita omnibus Gustavi pietas foret, qua sola meruit naturam mari vincere. Ipsum Stetinum inopino exercitus aspectu accoritur & miraculi impos, potiusne obsequium ei negare, cui ventorum effrena agmina servire jusserat Deus? cerce non debuit, quanvis nemini ante triumphis ascripta. Primam hic Germanis salutem noxia semper Germanis cunctatio tulit. Etenim dum deliberant, dum ambigunt, jam muris Gustavus successerat, eratque in promptu vis, sed decuit ab hoste discerni vindictam. Sola ad obtinendam urbem facundia uti voluit, quam uni illi non commodarat natura sed manciparat. Interea sic quoque misereri Germanorum conditionem libet, qui in summis miseriis non minus agre persuaderi à Gustavo poterant ut libertatem, quam à Casare, ut jugum succiperent. Stetini in potestatem redacti decus auxit propinquus hostis, qui è castris suis Gotthica vexilla infixis manibus urbis vidit & indoluit. Nimirum, fatale erat, ut due Pomeranorum urbes, Caesaris atque Hispani in Daniam Sueciamque irrumpentis vim velut obices sisterent. Nondum quippe annus transierat ex quo Scarsunda Gustavum defensorem vocare ausa, prima omnium Germanos docuit, etiam citra temeritatem Caesaris minus sperni. Unde equum erat eandem Pomeraniam, quæ testis fuerat resisti Ferdinando posse, etiam prima de victo Ferdinando trophæa aspicere. Sed ego immemor quantarum me rerum Oceano commiserim otiose uni urbi inhereo, quam nominare satis esse debebas. Effugis orationem Rugia, aspero undiq; mari clausa, & minax, milite, castellis, propugnaculis valida & tanto celebrior triumphi materies. Effugit Brandeshaga suorum fumo prodita, dum prelium ausi & mox refugientes involvunt castellum nûbe accensi pulveris:

qua septus miles postea vallum prius tenuit quam vidit. Iuvat
 catervatim potius victorias recensere, Damma, Stargarda,
 Caminum, Anclamun, Scolpa, maris claustra, & ditionum suarum
 spes summa, volut impetu succubuerunt. Quin & præter spem,
 ipsoque ex metu nate victoria. Non potuerat gratius in nos
 ferire ventus, quàm ut classis partem invicam à suis distractam
 cogeret in potestatem accipere Rugavaldam, citioris Pomerania
 urbem munitissimam. Conspirant in Gustavi gloriam
 elementa ipsa, & junctis viribus hostem adoriebantur, ne quid cur-
 sum victoriarum interrumperet. Solum Volgastum resistere
 paulisper ausum traxit in ruinam auxiliares Torquati copias,
 casus miles, rapta vexilla, & mox arx ipsa. Quam secute
 Griffenberg & Golnovia. Infelices Passewalkia & Ucker-
 monda luere felicitatem Gustavi debuerunt. Refugit manus
 scribere, quæ meminisse animus horret. Implacabiles Casariani,
 quia in Suecos ultio negabatur, omnem hic rabiem effuderunt
 omnis sexus, omnis ætas violentiam passa. Puellæ, virgines,
 femina, pueri, viri, prob nefas, impuram vim experti sunt, denique
 injectus ignis evertit loca tantorum scelerum conscia. Scilicet
 illo igne abolere humani generis conscientiam sperabant; ignari
 excidia locorum atrocioris memoriæ principium esse. Defun-
 ctorum manibus ut novo exercitu auctus Gustavus, Megapolita-
 nam ditionem irrupit: sic ordinantibus factis, ut terrarum situm,
 & Baltici maris litora victoriæ Gustavi sequerentur. Nam
 Moschoviam Livonia, illam Borussia, hanc Pomerania, Pomerania
 Megapolis exceperat. Unde transitu tantum opus fuit ad
 Bartham, Damgarcham, Tribseam, & Ribniam subigendas.
 In cæteras jam mandare Gustavus victorias poterat. Cui apud
 Pomeranos Garze & Griffenhaga pretium laboris fuit.

Claustra

Claustra hæc Marchia & Pomerania sunt, amnis Odera incuba, lacissimis cincta paludibus & non nisi arctis accessu itineribus, ut ipsa natura quancvis audacissimorum hic sistere conatus voluisse videatur. Nunc quod omnem penè fidem excedat, quindecim millium exercitu inpressa, quis crederet quencquam oppugnare ausum? Ausus Gustavus est & simul vicit. Prior Grispengaga multo machinarum imbre lacerata succubuit, Gartzæ subigenda hujus terror & nox una, Königsbergæ, Legnitæ, Peritsæ capiendis pauci dies suffecere, quis casus non semel hostis. Vix vacat acta magni regis egredi, & tamen victoria illustris est, quam de Montecucullano & decem millium exercitu superato, de Colbergâ, post septem mensium obsidium expugnata, debemus Gustavo Horn, non degeneri tanti Regis duci, qui quam ipse propriam habebat felicitatē etiam in ductores suos transmisserat. Ipse nusquam nisi victor visus mox novum Brandenburgicum (clade sua postea illustre) & Treptoviam Damminumque in potestate habuit. Sed nolim ego per singula eundomagis memee fatigare, quam vincendo Gustavus fatigatus fuit. Porius exclamo, omne eum vicisse exemplum, qui octo mensium spatio urbes, aut castella, aut munimenta LXXX hostibus eripuit. Non licet sperare apud posteros fidem in iis, quæ quancvis visa fidem apud nos vix invenerunt. Majora Gustavus gessit, quam ut credulitatis notam effugere possint, qui venturis seculis acta ei ex vero aestimaturi sunt. Crede posteritas, crede, quancquam triste, illustre tamen documentum habes fortitudinis ejus in excidio novi Brandenburgici. Eo ira, magnitudine rerum suarum, adigere hostes potuit, ut Tillius, communis ille Germaniæ terror, tot praliorum, tot bellorum superstes, in unum Gorchorum Regem omnia impendi fata, & nihil gloriæ suæ relictum amplius indignatus, non nisi excidio urbis hujus (quam maximo exercitu obruic

obruit magis quam vicis) astruere pristinae virtutis suae opinionem potuerit. Ille cui ante Bobemiam, cui Palatinatum, cui Silesiam, Moraviam, Holsatiam, Daniam procubuisse audiebamus, qui sceptrum regum presserat, aut calcaverat, exercitus ceciderat, semper victor, semper felix, ex quo Germaniam ingressus est Gustavus Magnus, unum eruisse è sedibus suis oppidum summum gloriae, ac non dedecoris habuit. Piger diutius victoria (demus ei hoc nomen) adeo tenui immorari, cum noster uno die Francofurtum expugnavit. Pretium non est aut Oderae latissimi amnis praesidium, aut mania, aut propugnacula memorare. Dignorem orationi materiem praebent octo hominum millia quae urbem infiderant, robur Tilliaci exercitus. His superandis non nox, aut insidia quaesita, sed illustri die, cum & dux & facta cuiusque oprime noscerentur, cum nullus invadentium occultus esset, ascendit Gustavus vallum, superavitque, & per millia occisorum ambulans alios victoriae testes inter ipsa sociorum cadavera cernens oneravit, reliquos cladem nuntiaturus praecurrere passus est. Post Francofurtum neque Landsbergam quantumvis quinque millibus custoditam, nec Crossensem ducatum & urbem. nec Glogoviam magnam vinci puduit. Utinam ne Magdeburgum tanta felicitatis, tantorum gaudiorum participem desideraremus! Cohorrescit animus quum cogito florentem urbem, imprudentia suorum, & mox proditione, denique etiam Austriacae immanitate, dedisse spectaculum nullis satis verbis deplorandum. Maduerunt sanguine templa, maduerunt altaria, aspersi sancti penates, infecta flumina, scisse nubes ad gemitus & lamenta virorum, seminarum, puerorum. Tandem & incendio divina, humana omnia hausta, vel obruta sunt. Te Caelum, te Solem interrogo, potuerisne videre incendium & immanitatem barbararum quoque gentium, truculentiam egressam: quin porius humo,

humo, quā polluerunt, & aqua, quam infecerunt, & igne, quo aluti sunt, obrusti atq; exinxiſti orbis vaſtatores. Cecidiſſent certe nec ſibi hoc ſtagitiorum conſcii, nec genti ſuae opprobrium. Nihil, nihil legiſti Tili excidio florentiſſima urbs. Manebit æternum ejus nomen, manebit dedecus eum: præſertim apud comparantes cum tua crudelitate eximiam illam Guſtavilenitatem, qui Megapolitanos duces, tuo furore ſuis ditionibus ejeſtos, reddidit imperio ac terris ſuis. Nunc quid aliud quam in Auſtriacos concitaſti ultorem Deum? Clamant ad eum ſex & XX. occiſorum millia; & quod Brandeburga vetus, quod Kaſenavia, quod Güterboga Guſtavi triumphis acceſſere, divine iræ id indiſciū babe. Quod Gryphisvaldā nec amnis Odera, nec munimēta, nec hominum ulla vis adverſus arma Suecorum cutata eſt, tuæ id truculentiae acceptum refer. Quod deniq; concuſſus terrore Albi, Verbona, Borge, Tangermunda capta Pappenheimius caſtris exutus, Seindalia, Havelſberga ſubacta ſine, id tua ſervitia peremptorum precibus, id pietati Guſtavi, & juſtæ ultioni aſſcribendum exiſtima. Sed tu nec illa pro divine iræ indiſciū accipiens, nec adverſus fractus, majori documento experiri debuiſti adverſum Auſtriacū numen. Iterum cogor exclamare, quanvis lentum ad ultionem Deum, ubi caperit, terribilibus indiſciū iram ſuam approbare. Jam Saxonie urbes complures, jam Lipſia hoſti ceſſerant, ut improba ejus ſpes non voca modo reſumerent, ſed & vocorum fiducia; cum tandem magnus ille dies venit, qui claritudine ſua obruere meruit, quicquid innumeris abhinc ſeculis noſter vidit orbis. Stabant collectæ duæ & triginta Auſtriacorum legiones, domitricæ Germanorum fiducia Ferdinandi, & terror Europæ; quæ ſi terra non ſat victoriarum præberei, etiam ipſum cælum diruicure videbantur. In oculis Lipſia, & quicquid circa agrorū erat recens per domiciū, acerrimos ſtimulos ad conſtan-

tiam subiciebant. Venit eundem in campum Gustavus, circumdatus undiq; Septentrionis armis, Sueonum, Finno-
 rorum, aliarumq; gentium legionibus una de viginti: quæ post
 Moschos, Livoniam, Lithuanos, Sarmatas, victos, dignam tan-
 dem dextris suis materiem obvenisse exultabant. Ipse Gustavus
 vultu alacri, nec successu priorum temporum ferox, nec hostium
 fama dejectus, quam reliquis gentibus formidabilem, solus sui
 dispretam toties expertus erat, ne viribus causam parem, justitiâ
 meliorem, supremus exercituum moderator desereret, ardens ro-
 gitabat. Vix nubibus preces se inferuerant, cum (ô rem incredi-
 bilem!) nostri quamvis fessiti cinere, & sudore madentes, numero
 pauciores, recentem, integrisq; viribus hostem & validiorem
 tanto impetu invasere, ut avulsas ex imis sedibus rapæ inter se
 concurrere, aut motu quassatam terram resonuisse crederet.
 Ardebant utrinque animi; noster miles frigidibus Septentrionis
 innervatus & Gustavi vultu, & causæ justitiâ fretus: bo-
 stilis per cedes, ruinas gentium, per fas nefasq; grassatus, nec
 numinis metuens, eoq; contemptor moris & ferri. Nunquam
 majori ardore concursus esset. Itaq; ne succumbam rei magni-
 tudini, narrare non aggredior, quæ differendo minora vero fac-
 rem. Non campi, non sylvæ ab hoste occupatæ, non adversus
 Sol, contrarii venti, devolutus in ora pulvis, non sexdecim auxili-
 arium legionum fuga, non tormentorum sociis ereptorum con-
 trita, non erubescenda alij cuicunque duci suorum paucitas, Gusta-
 vum prohibuere, quo minus infractus, & ad extremum constans,
 eriperet hostibus præoccupatam jam victoriam. Jacuerunt toto
 campo stratae legiones, dejecta Caesaris aquila, & mucrones innoxio
 cruore toties pasti tandem priorum scelerum culpam dominorum
 suorum sanguine abluerunt. Dux ipse Tillius vix fuga Got-
 thorum manibus creptus, audijt à tergo gemitus & lamenta ad
 singulos

singulos illius procumbentium, vidit vulnera sua, vidit ablatum tot
victoriarum honorem, & Gustavum, quem toties aspicere desidera-
rat, semel & supremum vidisse satis habuit. Sic minaces qui proxi-
me exacti erant annos, & in orbis servitutem erupturos, unus Deus,
una dies, unus Gustavus lenivit. Salve Regum maxime, salve defen-
sor religionis, & tutor oppressorum, qui hac victoria totum orbem
obstrinxisti, quem subjugare superba Austria sperabat, si te vin-
cere potuisset. Salve Regum invictissime, qui quos fortuna gesta quos
sua supra dubitatione vincendi collocarant pene infra spem salutis
redegisti. Salve Regum piissime, qui in tanta felicitate, in tanto fa-
stigio humana foreis memor ipsum quem impiorum cede sacraras
locum, tuis quoque precibus, & numinis veneratione insignisti.
Nimirum illis precibus ad novas tibi victorias viam parabas, quæ
velut corrente quodam Hallam, Halberstadiensem Episcopa-
rum, Mansfeldicam ditionem, Stolbergam, Hohensteinam, Mag-
deburgum, Brunsvicum rapuerunt, terras amplissimas. Non
moror utrum tibi Gustavi impetum sequenti, festinatio & copia
provincias aliquot subducatur. Nova semper, & majora urgent.
Trahit in ipsa properatione tardam orationem Erforda,
Germaniæ civitas maxima, eoque non urbis, sed orbis nomine suis
nota. Vereri potuissemus ne inter tantos successus ad iram
Gustavius raperetur, ubi erant qui triumphante morari aude-
rent. Sed nihil illum à bonitate sua deflectere potuit, priusquam
pugnaretur jam medio foro audire ejus tube, non terribile classi-
cum, sed pacem & servitutis finem, initium libertatis resonare.
Equidem non vereor eximiam hanc Gustavici mentem, componere
cum secuta post victoria, quæ Altringii & Fuggeri exercitum, quæ
Turingiam triumphis ejus inservit. Debit quoque augere
gloriam Franconia, Germaniæ regionum celeberrima, cujus popu-
li olim victo Romanorum nomine Monarchiarum Europa floren-
tissimam

rissimam in Gallia constituerunt. Primo Kouingsbura armamentarium gentis, ex in Sveinfurcum in potestate fuit. Ceteras victoriarum transeuntem, Herbipolis eacere non patitur, sedes Episcopi, quem ut potentissimum Germania veneratur. Perinde atque fulmen ubi nihil pertinaci resistit innoxium transgreditur, ubi magna moles obiecta est, recollectis eam viribus invadit, frangit dissipat, ita victorie Gustavi leni cursu Bambergam (cui ignoverat) præterlapsæ, ad hanc urbem non tam steterunt quam redintegrato impetu perruperunt. Montis, fluvij, manium, annonæ, militum præsidia Gortborum roboris, velut cœnues ariste calcantium pedibus, procubuerunt. Aperuit eadem victoria tot annorum, tot miserorum lachrymis collectas opes, prædam omnis Germaniæ; quam non tam cupidine, quam ira in raptores, una die, uno penè momento diripuerunt Finni, Suecique, majorum suorum parcimonie ita litaturi, qua magistræ in hunc usq. diem invicti stant. Siquidem omnium victores, omnium inopes, in ipsa Germania Germaniam non inveniunt: horridi & inculti in aestate byemem; in hyeme æstatem agunt; non vestes, non divitias non denique luxuriei ulla instrumenta, sed arma, validas hastas, fulgidos mucrones cupientes: pleni roboris atq. animorum, quibus stipendia, quam prælia, pauciora sunt. Auxit easdem virtutes prudentia magni regis. qui eos in militia non aliter, quam in severissima virtutum schola habuit. Nunquam capti, nunquam finiti sine publicis precibus dies. Et quum aliorum castra cadibus, pugnis, seditionibus sæpè arserint, hic modestiæ, obsequij, reverentia superiores, certamen fuisse crederes. Quid de magno Gustavo dicemus? sæpius eum hami sub frigido pluvioque cælo militari sagulo inter excubias suas, quam in lecto, jacentem ipsi vidimus. Vidimus fame ac siti prope confectum ut contubernia & stationes circumiens, panem idem idem a militum gregariis & aque haussum

Aum postularer. Huic indoli si universus orbis procubisses, mirarine quisquam jure posset? ego sane injuriam me illi facere putarem, si aut casus paullo post sex legiones, aut caprum Roteburgum, aut redactam in potestatem Hanoviam fusus memorarem. Submisit quoque ripam omnem Mænus, & Germanorum illa Roma Francofurtum. Illud quoque inter cætera Gustavi decora habendum erat ut cum tot Cæsares Francofurti coronatos urbis ejus fasti proderent, primus ille victor civitatem ingressus, coronam sprevisse legeretur. Ingens vero illius diei species fuit, quum subsistentem hic Gustavum tot regum, principum, rerum-publicarum legati convenire, ut coram illum Germaniæ liberatorem, & terrorem Austriæ venerarentur, etiam ij, quos in nostra male primum animum metu simulare, & conjuratos fœderis esse constabat, quod ob destinatum orbis excidium sacrum vocari meruit. Hi fuerunt Moguntinus, Colonienfis, Bavarum, qui simulatque rupta fidei reverentia ultro iterum ulcionem attraxerant, cucurrerunt victoriæ Gustavi, & Högsta capta, obumbrarunt victrices aquila campos, quos caeso ante decem annos duce Brunsvicensi trophæa Tillij circumdederant. Fama tantum opus fuit ad ejiciendos Noriberga Cæsarianos, vix labore ad habendam Falkesteinam, Reiffenbergam, Cronenburgum & Ernfeldâ Proxima Ringovia regio notabilius Gustavo spectaculum præbuit, ubi miles hostilis resistere paulisper ausus, pars prostrati, pars gurgite hausti, ut non cruenta, ita nec sicca morte perierant. At postquam incuba RheniBinga in potestate fuit, quasi fulmen toto tempore Gustavus quacunque incessit, traxit secum victorias, usq; ad Palatinum. Hic memoria malorum & miserabilis gentis species quanvis festinantem cobibens, ut licet à Gustavi celeritate degenerandum non arbitrer, vix transeam loca, quorum miseriam ne saxea quidem corda sine commotione transissent.

fissent, Silebant templa ruinis situg deformia. Jacebant urbes, pagi, omnibus cladibus exhausti, direpti alij, alij semiuusti aut habitantium vacui. Jam agri quantum antea florentes, & fecunditate sua luxuriosi, nunc inculi, horridi, non segetem, non herbam, ac vix infelicem stirpem producebant. Vidi ipse, vidi miseros ruricolos suis brachiis aratra trahentes, adeo quoque animalia, quæ parando victui natura subministravit, Casarianus furor subduxerat. Ipse Princeps gentis Bohemæ Rex, duodecimum jam annum profugus, extorris, vagus, cum regia conjuge, cum numerosa sobole, ad tantam fortunam genica, diuturnitate miseriæ sui prope fastigij oblitus, subditorum misereri, quia juvare non posset, dediticera. Adeo ut cuncta religionis & libertatis, urbium, pagorum, villarum, agrorum unum dicere cadaver posses. His omnibus ut cælo demissus Gustavus supervenit, cujus primo pietatem experta est Regio Montana. Nec mora quin mox trans Rhenum hostis pelleretur. Ibi prope ad finem victoriarum perventum cæteris judicantibus, incredibile facinus ausus rex, aut potius divino præsidio fretus, tribus tantum minoribus schaphis transijt amnem Germaniæ celeberrimum, quanvis adversam ripam eques, pedes Hispanus terribili specie compleisset. Cæterum quo major Gustavi gloria esset, & ne ignavi deseruisse ripam viderentur, ter impetu in eum reperito, ter casti fuga sua auxerunt animos exercitus, qui mox Oppenheim & Mogantiæ, milite, annium Rheni & Mœni allapsu, valli fiducia superbam, cepit die, quem cum natalem Gustavus & ingressu tantæ civitatis letiorem habebat. Et ne quid magnis olim Imperatoribus Casari Julio, aut Carolo Magno patratum negligeret, Rhenum ponte contravit. Quamvis prosperis batænus fatigor, & tamen inserit se quoque Gustavi triumphis Lotharingæ dux, Elector jam Casaris ambitione designatus, qui
ubi

ubi proprij vix quicquam haberet, non insolita majoribus arte aliena duci donabat, ut suis excideret, solers in concilandis adversum discordes sibi hostibus. Ceterum & Lotharingus alienae cladis accessio factus, & ex millibus quae duo de viginti eduxerat, vel sena se incolumia videre laetatus est. Hic vero turba me victoriarum obruit, quas & majores judico, quam ut praeteriri debeant, & plures quam ut describere liceat. Erit annalibus materies in *Wormatia*, *Friidburgo*, *Konigsteina* capta, deserto pene ab Hispanis *coro Palatinatu*, caeso & trans *Mosellam* ad *Barbanfonio*, *Philippi de Sylva* equitibus prostratis, redacto in potestatem *Manhemio*; pulsis *Joannis Nassovij Comitij* copiis denique & *Creutznach*o in potestatem redacto, & fuis per *Oxensternium* exercitiis, memorandis. Solus jam, & *Europae* annuum princeps, *Danubius* superesse videbatur, augenda *Gustavi* gloria, & quia illustri die opus erat ad superandum fluvium, qui ipsos quoque orbis dominos *Romanos* olim coercuerat; visum numini septimo & vicesimo *Marcij*, quem vita primum *Bavariae* dux habebat, primam ejusdem urbem *Donawertam*, claustrum amnis, & ipsum simul amnem *Gustavo* victori subijcere: qui abreptis & gurgite suo haustis *Casarianis*, ingens cadis compendium fuit, fessis *Suecorum* manibus. Non debuit superatum *Danubium* minor victoria excipere. Collecto undique exercitu, ducum celeberrimi *Bavarus* ipse & *Tillius* & *Altringius* *Lycum* amnem obsedere, adeo ut clausa undique *Bavaria*, nullis nisi caelo demissis hostibus aditu in eam relicto satis securitati suae consultum putarent: ignari caeli causam, *Gustavum* defendere: cujus cum demum potentia manifesta fuisset, cum eos qui non adiri nedum vinci posse videbantur vicis, antequam adirentur, & cum omnibus suis impulerit ducem, ut quem tota *Germania* antea vincentem ferocientemq; viderat, nunc ipsa

ipsa Bavaria, patrique penates fugientem prospicerent. Tillius quoque, quem post Lipsiensem victoriam (quam huic aequare Gustavum solitum memini) secundo dedecori servasse fortuna videbatur, inglorio tormenti ictu saucius, paulo post magnam diem vitae ac fugae suae imposuit. Discans nunc hostes non solum DEO curae esse liberationem Germaniae, esse & ultionem. Unde in Bavarum hostium maximum, & bellorum, quis tota Germania ardet; incendiarium, sua recidisse exempla optimus quisque lacabatur. Nunquam Gustavus Magnus ita ultioni quamvis iustae indulset, ut non prius partem miseris securitatem vellet. Itaque tunc quoque distulit vindictam, ut pietatem suam derivaret in nutricem religionis Evangelicae & celeberrimam urbium Augustam Vindelicorum: quae duro Pontificiorum oppressa iugo, quanto minus, sub Alpium oculis posita, ab extremo Septentrione vindicem expectare poterat, tanto nunc libertatem letior accepit. Neque iam gaudia oratione exprimere, quae illi animis non cepere. Restituta sacra, reducti exules, ejeti hostes, denique nova prorsus facies adeo ut meruerit pietas Gustavi, ut jam non Augusta, sed Gustavia nomine urbs in posterum nosci queat. Hinc in originem & fontem belli rursus conversus rex, universae Germaniae clades in Bavaria vindicabat, quam totam, praeter Ingolstadtum, mox subegit. maxime triumphos commendante Monachio, quae civitas Germanorum spoliis & ruinis ad invidiam usque auda erat. Iniquum fuisset improperum aliquid à fortuna obrudi, Bibrachium ipso adventu liberatum, pulsae, sola fama, quae eam obsederant, Ossani & Leopoldi copiae. Inde ad Brigantium lacum ipsasque Alpes victoria ambulare, quum trepidante jam proxima Italia, lubricis Saxonum rebus in Bohemia Gustavus revocatus mox vertit iter, & Wallensteinii prospera in Saxonas stetit.

stie; Hunc ex Germanie malis Friedlandij nomen adeptum, dilegerat Cæsar dirigendo imperio, quod quia amiserat, jam ut alienum & fugitivum tractabat. Ille quaque incessit terrorem & incendia circumferens, pagos aut æmula pagorum, oppida exscindens lenco & gravi agmine sensim incedebat, velut præmissurus terrorem, ut suo merui parvam Gotthorum manum conficiendam daret, quam fortassis in extremos Germaniæ angulos, aut patrias terras ad famam sui dilapsuram sperarat. Ille invictum animi regem cum XVI tantum millibus ad Norinbergam constitisse intellexit, terribile agmen, & omnem penè Germaniam secum trahens, cum LXXX millibus urbem eminus circumscdit. Mirabamur omnes cum nulle unquam voces Friedlandium alium, quam sævum distulissent, nulli oculi quam truculentum vidissent, simulacque in Gustavi conspectum venit, ferociam crudelitatemque velut pudore magni regis omnem abjecisse, quo solo Gustavus triumphum de Wallensteinio meritus est, quod barbariæ hostem non minus, quam armis exuerre potuit. Nemo porro inglorios dicat eos menses, quibus parva manu hostem Gustavus attinuit otiosum. Nam & Silesiam & Alsaciam florentissimas Germaniæ terras, interea extorsit & ipsa castra, æterno Cæsarianorum dedecore, oppugnavit, turmas, cohortes, legiones suorum in conspectu fugavit, aut confecit, ut desertis circumquaque campis; post Sylvas aut in latibula refugientes impares se Gotthis satius ipsi restarentur, & sese constantie eximios judicarent, si terrorem vallo depulissent. Quanquam in Wallensteinio timorem hunc Gustavi, prudentiam vocare poteris; quod etiam suos Gustavi manibus, ad Lusatiam verò & umbræ magni regis eripuisse ingens aliquid existimarit. Hec nimirum Gustavi otia fuere, quibus refectus, mox jugulum Bavarorum & Austriacorum pressit. Jam Danubium ultra prolatus ar-

morum metus, jam Raina capta erat, cum rursus argenticus
 sociis, suas victorias, quam illorum deferere salutem maluit.
 O piam mentem! ô animum, nunquam immemorem suscepti pro
 oppressorum miseriis belli! Tene Regum maxime, propinquum
 jam supremæ debellari, Ferdinandi, gloriæ, adeo religiose afflicto-
 rum questus excepisse, ut securus anima, à qua tot gentes, tot sub-
 diti cui pendebant, mallet finem lætitiæ nostræ, quam progressus
 Germanorum vexationibus dare? Nunquam satis veniura secu-
 la, aut gentes tuam benignitatem mirabuntur, nunquam Sueci,
 Gotthi, Vandalique satis lugebunt magnitudinem illius animi,
 qui ad conitrua belli invictus, inter mille discrimina impavidus,
 solis superari afflictorum gemitibus voluit. Lucenses campi
 videre fatalem illum diem debuerunt, quo supremum dextra
 Gustavi trophæum de hostibus, quanvis moriens, erexit. Ipsa in ho-
 stium castra connixus superato vallo, cæsis resistentibus, traxit
 prælium in aperta camporum. In terribili multitudine pugnan-
 tium, resistentium, cadentium Magnus Gustavus præ ceteris
 eminebat, ardenti equo ardentior ipse, bacillat, fulminis instar
 volitans. At postquam brachij vulnere calidus, eminere in ore
 suorum languorem vidit, ad æternam majestatem conversus, &
 clarissima voce ter Jesum Dominum, auctorem tanti operis, in-
 vocans, illo duce de hostibus simul & se ipso, triumphaturus irrupit.
 Non equicem celeritas, non peditem numerus, aut animi sui satis
 tucabantur. Ad ruentis imperiū millia cedebant, cadebantque, donec
 jam fessus triplici vulnere, fessus cadendo, inter medios hostium
 cuneos, non minus constantia sua, quam hostium armis cinctus,
 satur gloriæ, satur vivendi, imbecilli corpore deserto reliquam
 ultionem supremo vindici permisit. Hic vero me vox simul, &
 animus, & constantia deferunt, ut quanvis in prosperorum lon-
 ga serie satis adversus mortificam munimenti comparasse mihi
 videret,

viderer, succumbam tam vehementi ictu, qui simul Germania fata nostras, & arreſta Europe ſpes jam propè triumphantes, rursus incertis fortunæ, & bellorum obiecit. Magnæ Guſtave, ſuſtentator factorum ruentis Germaniæ, cur non totus orbis pro tuo ſo corpore discrimini obiecit, cur non ipſa Germania excepit vulnera, quæ divinam illam animam nobis eripuerunt? accepit ſanè, miſera, accepit. Non diruta urbes, non caſi exercitus, non incendiis hauſta provincia, tuo illi fato gravioreſ eſſe potuerunt. Vix reſpirantem & adhuc vulnerum ſuorum memoria aut meritis infirmam, in media ſpe deſeruiſti; ut jam vix ſperare audeat finem malis, quem impoſuere pietati tuæ negatum eſt. Verè verè illo vulnere tuo conſoſſa, illa morte exanimata eſt Germania. Tanco infelicioꝝ quod nec meritorum tuorum meminiffe, nec pro iſſidem grataꝝ unquam eſſe poteris, quin mox ei calamitas ſua & quantum in te amiſeris, occurrat. Nos verò & nobiſcum tot in viſta Suecorum, Gothorum, Finnoꝝque legiones, miniſtri fame & participes decoris tui, quibuſcum tanta geſſiſti, ſimul in tuo caſu Imperatorem fortiſſimum, principem optimum, patriæ parentem, ſpem, munimentum amiſimus, & iniquas naturæ querimus leges, quod cum peſſimum queng, vitam cui libuerit eripere, pios pro amicis, pro benemeritis, pro parentibus eam deponere baud permiſeris. Poſuiſſemus ſane, poſuiſſemus libentes pro te vitam, ſatis longaꝝ poſt tot tantaꝝ decora per te parta. Nunc poſtquam in miſeriis eligere aut mutare prohibemur, extremum refugium, ſolatia ad conſtantiam querimus, quæ inter maximum illud occurrir, quod beneficiis immortalibus & ſpem quoque noſtram ſupergeſſiſti obſtricti, quociens ea reputamus nunquam te carebimus. Vires tu æternum Guſtave Magne in animis noſtris, vivet memoria tua, quæ ſola te cum profunditate temporum, cum venturiſ ſæculis commiſcet.

præmia laborum, quibus totum orbem obstrinxeras, quæ totus orbis reddere nequibat, à suprema maiestate rependi tibi invidissemus. Non erat capax tuarum amplius virtutum mortale genus. Etenim si angustum illud & fragile corpus, si exilis ille carcer animæ tuæ, maiestate sui, adeo perstringere oculos hominum potuit, ut ad conspectum ejus, veluti divinitatis exanimarentur, quàm æquum erat, augustam illam animam, veram divinitatis imaginem, cælo recipi, & accipere hereditatem, cujus in spem producta erat. Hoc merebatur pietas tua, qua sortem tuam vicisti & contempsisti. Nemo regum illustrioribus documentis pietatem suam approbavit, nemo tot principes, exules, profugas, afflictos, imperiis, patriæ, sedibus, fortunis suis reddidit. Nemo regum illustrioribus documentis approbatam vidit pietatem suam, ut quanvis sola malis eripi Germania videretur, totus tamen orbis Christianus pro te, tanquam uno orbis Vindice, precibus, votis, supplicationibus supremum numen fatigaret. Neminis deniq; pietatem majoribus successibus Deus approbavit. Ab ipso propè septentrionis axe, ab Hyperboreo Oceano, Moschoviam, Sarmatiam, Lithuaniam, Livoniam, Borussiam, vincendo fatigasti aut emensus es. Hinc cum XII millibus oppressi orbis defensionem aggressus, contra inexhaustæ multitudinis exercitus, contra infinitæ potentie hostem, duobus annis (stupet animus miraculum, quod famam omnium seculorum delere possit) totam Germaniam à Codano sinu ad Brigantinum usque lacum, & ipsas Alpium radices perdomuisti; eâ celeritate, ut citius provincias totas viceris, quam alij obierint, eo successu, ut nulli magis stupeant quam qui maxime insultarunt. adeo ut, qui magnas virtutes posteritati cõmendatum eunt, non quod aliis imperatoribus evenit, deligere aut prætermittere aliquos imperii annos opus habeant: tota ætas tua, totum imperium unius quasi victorie

via torrens fuit. In incunabulis parentis Caroli lauris circundatus, impubes ipse jam triumphator, semper felix, & ne quid in ipso quoque fine desideraret posteritas, post mortem etiam victor. Nisi religio esset tuam modestiam aggredi,rigeremus arcus triumphales, trophæa, componeremus titulos, audiretque posteritas GUSTAVUM. MAGNUM. MOSCHOVITICUM. SARMATICUM. LIVONICUM. GERMANICUM. BOHEMICUM. VINDICEM. OPPRESSORUM. SCOPULUM & TERROREM. FERDINANDI. AUSTRIÆ. & CONJURATI ORBIS. Nescit Magne Gustave, nescit Europa, quæ quantæque tibi debeat. Nemo tantam domum, tam longa majorum serie subnixam, ita aggredi ausus est, ita vincere potuit aut debuit. quippe Ferdinandi familie ad opprimendam libertatem, nata, fatale erat opponi Gustavum Magnum, vindice Carolo, vindice Gustavo ortum. Nec sola in Ferdinando Ferdinandi infracta aut depulsa est tyrannis. Quod Turcarum irruptiones, ad quas tremere Christianus orbis solet, factæ non sunt, Gustavo Magno debetur, qui barbaram gentem, & jam Caesaris potentiam suspectantem, concussa Austria retinuit. Tuum est Gustave, quod pace eorum nunc fruuntur, etiam illi, qui minime merebantur. Scilicet ut solis radii benigne in immerentes quoque dispensantur. ita & tua arma erigende libertati, erigende religioni suscepta, etiam his prodesse debuerunt, qui, si per eos stetisset, totam Europam Barbarorum irruptionibus vastari, quam miseros per te servitio eripi, maluissent. Itaque nunquam agnoscent beneficia quæ inviti acceperunt. Quis crederet subditorum aliquem in curis tuis locum, partem aliquam fuisse, cum tota se Europa tibi vindicasset, & ingens illa moles unius tui animo libraretur. Atqui ita eorum res auxisti, tanta pro illis fuit sollicitudo tua, ut

solis tuis vacans, cetera tantum perfunctorie tibi tractata nos credere potuerimus. Quod pacem cum Danis, & Moschis, quod inducias cum Sarmatis, quod regnum undique tutum habemus tuum est, Magne Gustave. Tu pro defensione aut securitate nostra ingentem illam animam, quam nostra securitate, si liceret, libenter redimeremus, mille periculis objecisti; tu tela, & vulnera pro subditis tuis plura & graviora, quam regum quicumque, perculisti. Quod gentes semibarbarae, quod Numinis ac religionis ignari, ad cultum, ad Dei notitiam, ad aeternitatis cogitationes venire incipiunt, tibi Magne Gustave debemus: qui leve ratum mortalibus eos beneficiis cumulare, ipsa tecum aeternitate frui voluisti. Quod in Suecia, eique subiectis provinciis sepultae hactenus literae, omnium virtutum instrumenta, vivere incipiunt, tibi Magne Gustave debentur. Quod propemodum populorum alii hactenus despecti, nunc storentissimi sumus, quod arma ab extremo Septentrione, ad Rhetiam, Vindelicos, & ipsam fero Italiam, victricia circumgestamus, tuum est, Magne Gustave. Quod Gothorum virtus eos seculis ingloria, & sui prope oblita, veterem famam recepit, tuum est, Magne Gustave. qui primus ingenti animo angustas res egressus gloriam tuam caelo terminasti: qui ardentem hunc spiritum & immortalitatis cupidinem subditis tuis infudisti; ut tua ex domo plures militiae magni duces prodierint, quam olim ex celeberrimorum sapientum scholis, clari discipuli provenerunt. Diutius sane alij imperium tenuerint, ambitiosis titulis nomina sua auxerint, ditionem proculerint, praedam se suosque ditaverint; dum nemo in tam brevi spatio tanta gesserit, nemo bonores & superbam famam constantius spreverit, nemo, suis magis contentus, plura aliis dederit, aut reddiderit, nemo denique innocentiores à rapinis manus servavit. Hanc vero, Magne Rex, etiam quam olim non habuerunt gloriam Suecis ac Gothis tuis peperisti,